


Alkitab Buat Bocah Nampilin

Keajaiban Tuhan Yesus



Nyeng nulis: Edward Hughes

Nyeng bikin gambar: Byron Unger; Lazarus
Alastair Paterson

Nyeng nyocokin: E. Frischbutter; Sarah S.

Nyeng terjemahin: www.christian-translation.com

Dibikin buat: Bible for Children
www.M1914.org


©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.

Yesus udah ngelakuin banyak banget keajaiban.
Keajaiban nandain kalo Yesus emang bener-bener
anak Tuhan. Keajaiban nyeng pertama terjadi pas
acara kriyaan kawinan. Masalah muncul. Disono
kaga ada cukup anggur buat semua orang.



Maria, emaknya Yesus, ngasih tau Dia masalah nyeng muncul, terus ngomong ke pembantu buat ngelakuin apa aja nyeng Yesus suruh.



3

"Penuhin tempayannya sama aer," Yesus ngomong. "Aer?" mereka nanya. Iya, aer nyeng Yesus pengenin.



4

Lantas Yesus ngomong sama pembantu buat nyendok aer dari tempayan nyeng gede lantas ngebiarin orang nyeng bertugas di acara keriyaan kawinan buat nyicipin. Tadinya aer sekarang udah jadi anggur! Anggur nyeng enak! Anggur paling enak!



5

Para pembantu sampe heran. Yesus udah ngubah aer jadi anggur. Cuman Tuhan nyeng bisa ngelakuin keajaiban kayak gitu.



6

Yesus ngelakuin keajaiban nyeng laen. Suatu sore, Dia ama muridNya pegih ke rumahnya Petrus. Emak tirinya Petrus waktu ntu lagi sakit parah ama panas dingin.



7

Yesus nyentuh tangannya perempuan nyeng sakit ntu. Cuman bentaran doang dia langsung bae lagi. Dia bangun buat ngelayanin Yesus ama para murid.




8

Kayaknya semua orang pada ngumpul di depan pintu sore ntu. Orang sakit pada dateng - nyeng buta, budeg, gagu, lumpuh. Sampé orang dirasukin setan ngumpul juga dikeraméan. Bisa kaga Dia nulungin begitu banyak orang?




9

Yesus, Anak Tuhan, bisa nulungin. Yesus bener nulungin. Semua nyeng dateng ke Dia disembuhin. Orang nyeng cuma bisa ngesod selama idupnya sekarang bisa jalan, ama loncat, ama lari.



10

Nyeng laen pada daténg, nyeng mukanya jadi jelek gara-gara lepra.



11

Mereka jadi benér-benér bersih pas Yesus udah nyembuhin mereka.



12

Laki ama perempuan nyeng punya masalah ama setan bediri di depan Yesus. Dia suruh setan buat pegih ninggalin mereka. Setannya nurut, ketakutan, orang nyeng ngerasa keseksa jadi kalem dan ngerasa seneng.



13

Dibelakang krumunan orang, ada empat orang lagi nyeng nyoba nulungin temennya buat ngedeketin Yesus. Tapi mereka pada kaga bisa ngedeketin. Apa nyeng bisa mereka lakuin?



14

Ngegotong orang nyeng sakit naék ke atas genteng, empat temen setianya narik naikin dia ke atep lantas nurunin dia. Sekarang dia udah deket ama Yesus.



15

Yesus ngeliat kalo empat orang ntu punya keyakinan. Dia ngomong ke orang nyeng sakit. "Dosamu udah diampunin. Bangun dari kasur terus jalan dah." Lelaki ntu berdiri, sehat dan kuat. Yesus udah nyembuhin dia.




16

Kaga berapa lama, Yesus ada di atas kapal ama murid-murid. Ada angin kenceng ngeri ngegoncang-goncangin laut. Yesus pas lagi tidur pules. Murid nyeng pada ketakutan ngebangunin Dia. "Tuhan, tulungin kita," dia sambil mewek. "Mati kita!"



17

"Diem," Yesus merentah ombak. Langsung, ntu laut jadi tenang. "Orang macem apa ini?" Muridnya bebisik. Sampé-sampé angin ama laut aja nurut ama Dia. Mereka pada percaya kalo Yesus emang AnakNya Tuhan karna keajaibanNya nunjukin kemuliaanNya. Para murid kaga tau, tapi mereka bakal ngeliat Yesus ngelakuin



18

bahkan keajaiban nyeng lebih hebat selama Dia ngelayanin Tuhan diantara manusia.

Keajaiban Tuhan Yesus


Sebuah cerita dari perkataannya Tuhan, Alkitab

Ditemuin di

Matius 8-9, Markus 1-2, Markus 4,
Lukas 4, Lukas 8, Yohanes 2

"Palang pintu Firman Engkau ngasih terang."
Mazmur 119:130

19



40

60

20

Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan datang dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung datang kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16